



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-524-5/22**

Datum: **11.07.2023. godine**

«Agencija za vodno područje rijeke Save» Sarajevo rješavajući po zahtjevu pravnog lica CENGIZ INSAAT SANAYI VE TICARET A. S. Istanbul, R.Turska za izmjenu rješenja o vodnoj dozvoli broj UP-1/21-3-40-524-3/22 od 06.10.2022. godine za ispuštanje tehnoloških otpadnih voda u prirodni recipijent i za aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada postrojenja za proizvodnju betona izgrađenog u sklopu gradilišnog kampa «Golubinke» u naselju Golubinke, općina Žepče, na osnovu člana 109. stav (1) tačka 2. i stav (2) tačka 1. a u vezi sa članom 130. Zakona o vodama («Službene novine Federacije BiH», broj 70/06) i člana 262. Zakona o upravnom postupku («Službene novine Federacije BiH», broj 2/98, 48/99 i 61/22), donosi:

RJEŠENJE o izmjeni rješenja o vodnoj dozvoli

1. Pravomoćno rješenje o vodnoj dozvoli broj: UP-1/21-3-40-524-3/22 za ispuštanje tehnoloških otpadnih voda u prirodni recipijent i za aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada postrojenja za proizvodnju betona izgrađenog u sklopu gradilišnog kampa «Golubinke» u naselju Golubinke, općina Žepče, doneseno od strane Agencije dana 06.10.2022. godine mijenja se u dijelu koji se odnosi na tačan naziv pravnog lica na koga glasi vodna dozvola, tako da umjesto imena pravnog lica na svim mjestima na kojima se u Rješenju navodi:

„CENGIZ INSAAT SANAYI VE TICARET ANONIM SİRKETİ – Podružnica Zenica“

treba da stoji

„CENGIZ INSAAT SANAYI VE TICARET A. S. Istanbul, R.Turska“

2. Vodna dozvola se daje na osnovu utvrđenog činjeničnog stanja i obrazloženja zahtjeva navedenog u aktu podnosioca zahtjeva broj: P.N/Oth. 23/148 od 04.07.2023.
3. Ostale tačke Rješenja o vodnoj dozvoli ostaju nepromijenjene.

O B R A Z L O Ž E N J E

Od strane pravnog lica CENGIZ INSAAT SANAYI VE TICARET A. S. Istanbul, R.Turska je dana 10.07.2023. godine upućen zahtjev broj: P.N/Oth. 23/148 od 04.07.2023. za izmjenu rješenja o vodnoj dozvoli donesenog od strane ovog organa, broj: UP-1/21-3-40-524-3/22 od 06.10.2022. godine za ispuštanje tehnoloških otpadnih voda u prirodni recipijent i za aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada postrojenja za proizvodnju betona izgrađenog u sklopu gradilišnog kampa «Golubinke» u naselju Golubinke, općina Žepče.

Uz akt zahtjeva dostavljeno je obrazloženje za traženu izmjenu, odnosno status podružnice koja ne posluje neovisno od matičnog društva, odnosno nema svojstvo pravnog lica. U tom smislu je traženo od organa koji je donio rješenje da donese izmjenu istog u dijelu koji se odnosi na naziv nosioca prava iz vodne dozvole.

Prema Zakonu o privrednim društvima ("Službene novine Federacije BiH", broj: 81/15 i 75/21) strano društvo može u Federaciji BiH osnovati jednu ili više podružnica u kojima obavlja svoje djelatnosti. Podružnica nastaje odlukom o osnivanju koju donosi ovlašteni organ društva u skladu s osnivačkim aktom ili statutom društva.

Podružnice nemaju svojstvo pravnog lica, a poslove s trećim licima obavljaju u ime i za račun društva.

Slijedom navedenog i uvidom u Rješenje o registraciji podružnice stranog društva u sudski registar broj: 043-0-Reg-21-000926 izdatog dana 13.09.2021. godine od strane Općinskog suda u Zenici, utvrđeno je da se zahtjevu za traženu izmjenu može udovoljiti, te je Agencija na osnovu člana 262. Zakona o upravnom postupku odlučila kao u dispozitivu ovog rješenja.

U skladu s odredbama člana 130. Zakona o vodama i člana 262. stav 3. Zakona o upravnom postupku, ovo rješenje djeluje samo za ubuduće.

UPUTA O PRAVNOM LIJEKU:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema Rješenja.

Žalba se podnosi neposredno pismeno, usmeno na zapisnik ili preporučeno putem pošte ovom organu i taksira se sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta:

Haris Ališehović, dipl. inž. građ.

Po ovlaštenju
Rukovodilac sektora za izdavanje vodnih akata



Dostaviti:

- «CENGİZ INSAAT SANAYİ VE TİCARET A.Ş.»
Golubinja bb, ŽEPČE,
- AVP Sava, ISV – Vodna knjiga,
- Sektor 50,
- Sektor 40, arhiva,
- Oglasna ploča-AVP Sava

